

# სახელმწიფო შესყიდვის შესახებ ხელშეკრულება № 02/01/21-48

ქ. თბილისი

19 თებერვალი, 2021 წელი

ერთის მხრივ საქართველოს იუსტიციის სამინისტროს სსიპ „სახელმწიფო სერვისების განვითარების სააგენტო“ (შემდგომში – შემსყიდველი), წარმოდგენილი სააგენტოს ადმინისტრაციის (დეპარტამენტი) დირექტორის მოვალეობის შემსრულებლის თამარ ჩუბინიძის სახით და მეორეს მხრივ, შპს „ჯეობიტი“ (შემდგომში – „მიმწოდებელი“) მისი დირექტორის ზაზა მაღლაკელიძის სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, (№SPA210000162) ელექტრონული ტენდერის ჩატარების შედეგად, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის საფუძველზე დებენ წინამდებარე სახელმწიფო შესყიდვის შესახებ ხელშეკრულებას.

## 1. ხელშეკრულების საგანი და ობიექტი

1.1 ხელშეკრულების საგანია სსიპ „სახელმწიფო სერვისების განვითარების სააგენტო“-ს კანონმდებლობით ნებადართული შემოსავლებით (პროგრამა „ადმინისტრაციული მართვა და კონტროლი“) სააგენტოს ბალანსზე რიცხული კომპიუტერის პერიფერიული მოწყობილობის ტექნიკური მომსახურების შესყიდვა (კარტრიჯების დამუხტვა) (CPV-50323000), წინამდებარე ხელშეკრულებით გათვალისწინებული პირობების შესაბამისად.

1.2 ხელშეკრულების ობიექტია: შემსყიდველის ბალანსზე რიცხული სახარჯი მასალის აღდგენა-დამუხტვის მომსახურება, ხელშეკრულების დანართი №1-ის („ფასების ცხრილი“) და დანართი №2-ის („ტექნიკური დავალება“) შესაბამისად.

## 2. ხელშეკრულების საერთო ღირებულება

2.1 შესყიდვის ობიექტის ფასი განისაზღვრება ლარებში.

2.2 შესყიდვის ობიექტის საერთო ღირებულება შეადგენს 5,848.50 (ხუთი ათას რვაას ორმოცდარვა ლარი და ორმოცდაათი თეთრი) ლარს, ხელშეკრულებასთან დაკავშირებული ყველა ხარჯების ჩათვლით.

2.3 „2.2“ პუნქტით გათვალისწინებული თანხა შეიძლება შემცირდეს (დაზუსტდეს) მიმწოდებლის მიერ ფაქტიურად გაწეული მომსახურების მიხედვით, მაგრამ ხელშეკრულების საერთო ფასის გაზრდა დაუშვებელია.

2.4 ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:

ა) წინამდებარე ხელშეკრულება

ბ) ფასების ცხრილი - დანართი №1

გ) ტექნიკური დავალება - დანართი №2

## 3. შესყიდვის ობიექტის ხარისხი და გარანტია

3.1 მიმწოდებელი იძლევა გარანტიას, რომ მიწოდებული ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მოთხოვნებს.

3.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

3.3 „მიწოდებელმა“ უნდა უზრუნველყოს, როგორც დაცლილი კარტრიჯის ფხვნილით შევსება ასევე საჭიროების შემთხვევაში დაზიანებული დეტალების (გამწმენდი და დოზირების დანების, ფოტომგრძნობიარე ლილვის (დრამის), დამმუხტავი თუ მაგნიტური ლილვების, და სხვა ) შეცვლა. ყველა კარტრიჯს დატენვისას უნდა გამოეცვალოს ჩიპი ასეთის ქონის შემთხვევაში.

3.4 მოწოდებული კარტრიჯები შეფუთული უნდა იყოს ტრანსპორტირებისთვის უსაფრთხო შეფუთვაში (სპეციალური ჰაერით გასაბერი პარკით ე.წ. Airbag), რომელიც უზრუნველყოფს ტრანსპორტირებისას ფხვნილის კარტრიჯიდან გადმოყრის და კარტრიჯის დაზიანების თავიდან აცილებას, ასევე უნდა იყოს გასუფთავებული და არ იწვევდეს მომხმარებლის დასვრას ნარჩენი ტონერით.

3.5 ყველა აღდგენილ კარტრიჯს უნდა მოყვებოდეს აღდგენის შემდგომ კარტრიჯის ტესტირების ფურცელი.

3.6 აღდგენილი კარტრიჯებზე კარტრიჯის სრულ დაცლამდე უნდა ვრცელდებოდეს პრეტენდენტის გარანტია, რომ ბეჭდვის ხარისხი და ნაბეჭდი ფურცლების რაოდენობრივი მახასიათებლები სრულ შესაბამისობაში იქნება ორიგინალი კარტრიჯის მწარმოებლის მონაცემებთან, წინააღმდეგ შემთხვევაში „მიწოდებელი“ საკუთარი ხარჯებით განახორციელებს საჭირო დეტალების გამოცვლას ან დაზიანებულ კარტრიჯის შეცვლას ახლით.

3.7 აღდგენილი კარტრიჯების ნაბეჭდი ფურცლების რაოდენობა უნდა იყოს არანაკლები, ვიდრე ორიგინალი კარტრიჯების ბეჭდვის რესურსი.

#### **4. შესყიდვის ობიექტის მიწოდების პირობები**

4.1 მომსახურების გაწევა მოხდება ეტაპობრივად, მოთხოვნის შესაბამისად, ხელშეკრულების გაფორებიდან 2021 წლის 31 დეკემბრის ჩათვლით.

4.2 ყოველი ეტაპის მომსახურების გაწევის ვადაა, შემსყიდველის მოთხოვნიდან 4 (ოთხი) სამუშაო დღის განმავლობაში.

4.3 მიწოდების ადგილად ითვლება: (საქონლის წაღებას და მიწოდებას ანხორციელებს „მიწოდებელი“) ქ. თბილისი, აკ. წერეთლის გამზირი #67ა.

#### **5. შესყიდვის ობიექტის მიღება-ჩაბარების წესი**

5.1 შესყიდვის ობიექტის მიღება ფორმდება მიღება-ჩაბარების აქტით, შემსყიდველისა და მიწოდებლის საამისოდ უფლებამოსილი წარმომადგენლის ხელმოწერით.

5.2 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს (ინსპექტირების ჯგუფი) სააგენტოს მატერიალურ-ტექნიკური უზრუნველყოფის სამსახურის მთავარი სპეციალისტი გიორგი ხაბალაშვილი, ხოლო ხელშეკრულების პირობების კონტროლს განახორციელებს სააგენტოს შესყიდვების სამსახურის მთავარი სპეციალისტის მოვალეობის შემსრულებელი ნოდარ კვარაცხელია.

#### **6. ხელშეკრულების ინსპექტირების პირობები**

6.1 შემსყიდველი უფლებამოსილია საქონლის მიწოდებისა და მომსახურების გაწევის პარალელურად მოახდინოს მიწოდებული საქონლის და გაწეული მომსახურების შემოწმება, რომლის მიზანია მათი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

6.2 ხელშეკრულების ინსპექტირებას შემსყიდველის მხრიდან განახორციელებენ წინამდებარე ხელშეკრულების 5.2 მუხლში აღნიშნული პირები.

6.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული საქონლის რაოდენობის, წუნდების მიზეზების მითითებით და განუსაზღვრავს გონივრულ ვადას (მაგრამ არაუგვიანეს 4 სამუშაო დღეს) ხარვეზის აღმოსაფხვრელად.

6.4 გამოვლენილი დეფექტის აღმოფხვრასთან დაკავშირებით (მიმდინარე და ასევე ეტაპების მიხედვით უკვე შესრულებული) ინსპექტირების ჯგუფის მიერ თავდაპირველად განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

6.5 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

## **7. ანგარიშსწორების ფორმა, გრაფიკი (ვადები) და ადგილი**

7.1 მიწოდებული ობიექტის ღირებულების ანაზღაურება მოხდება შემდეგი პირობებით:

ა) ანგარიშსწორება ვალუტა -ლარი;

ბ) ანგარიშსწორების ფორმა- უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 ანგარიშსწორება შემსყიდველის მიერ განხორციელდება ეტაპობრივად, გაწეული მომსახურების და აღნიშნულის თაობაზე მხარეთა შორის მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (დღგ-ს გადამხდელად რეგისტრაციის შემთხვევაში) არა უგვიანეს 15 (თხუთმეტი) კალენდარული დღის ვადაში, მაგრამ არა უგვიანეს 2021 წლის 31 დეკემბრისა.

7.3 თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

7.4 ანგარიშსწორების საფუძველს წარმოადგენს მიღება-ჩაბარების აქტი და კანონმდებლობით გათვალისწინებული შემთხვევაში მიმწოდებლის მიერ წარმოდგენილი საგადასახადო ანგარიშ-ფაქტურა (დღგ-ს გადამხდელად რეგისტრაციის შემთხვევაში).

## **8. მხარეთა უფლება-მოვალეობანი**

### **8.1 შემსყიდველს უფლება აქვს:**

- შეამოწმოს გაწეული მომსახურების ხარისხის შესაბამისობა ხელშეკრულებით გათვალისწინებულ პირობებთან.

### **8.2 შემსყიდველი ვალდებულია:**

- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

- უზრუნველყოს შესყიდვის ობიექტის მიღება.

### **8.3 მიმწოდებელს უფლება აქვს:**

- მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

### **8.4 მიმწოდებელი ვალდებულია:**

- სახელმწიფო შესყიდვების კანონის 22<sup>1</sup> მუხლის საფუძველზე შემსყიდველის მოთხოვნის შესაბამისად წარმოადგინოს საქართველოს კონტროლის პალატის მიერ მოთხოვნილი შესყიდვებთან დაკავშირებული ნებისმიერი დოკუმენტაცია და/ან ინფორმაცია;

- დაიცვას ხელშეკრულებით გათვალისწინებული ყველა პირობა.

## 9. მხარეთა პასუხისმგებლობა ხელშეკრულების დარღვევისას

- 9.1. თუ მიმწოდებელი: არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, ან სისტემატიურად და/ან უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს დაიცვას ხელშეკრულების პირობები;
- 9.2. თუ მიმწოდებელი გაფრთხილების (შემსყიდველის მიერ მითითებულ გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება; ასევე დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად;
- 9.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;
  - ბ) მიმწოდებლის გაკოტრების შემთხვევაში;
  - გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
  - დ) საქართველოს კანონმდებლობით გათვალისწინებულ სხვა შემთხვევებში;
- 9.4. მიმწოდებელს შესყიდვის ობიექტის მიწოდების ყოველ ვადაგადაცდილებულ დღეზე დაეკისრება პირგასამტეხლო ხელშეკრულების ღირებულების 0.02%-ის ოდენობით.
- 9.5. შემსყიდველს ხელშეკრულებით გათვალისწინებული ანგარიშსწორების ვადების დარღვევის შემთხვევაში დაეკისრება პირგასამტეხლო ყოველ ვადაგადაცდილებულ დღეზე ხელშეკრულების ღირებულების 0.02%-ის ოდენობით.
- 9.6. პირგასამტეხლოს გადახდა ან/და ხელშეკრულების ცალკეული პირობების მოქმედების შეწყვეტა არ ათავისუფლებს რომელიმე მხარეს დანარჩენი ვალდებულების შესრულებისაგან.
- 9.7. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.8. პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.
- 9.9. გამოვლენილი დეფექტის აღმოფხვრასთან დაკავშირებით (მიმდინარე და ასევე უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და „შემსყიდველთან“ შეთანხმებულ ვადაზე არ ვრცელდება საჯარიმო სანქციები.

## 10. ხელშეკრულების მოქმედების ვადა

10.1 ხელშეკრულების მოქმედების ვადა განისაზღვრება ხელშეკრულების გაფორმებიდან 2022 წლის 31 იანვრის ჩათვლით.

## 11. ხელშეკრულების პირობების გადასინჯვის შესაძლებლობა

11.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო

კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.3 ხელშეკრულებაში დაფიქსირებული ფასები შეიძლება გადაისინჯოს და მოხდეს ფასების შეცვლა მხარეებს შორის გაფორმებული ურთიერთშეთანხმების საფუძველზე შემდეგ შემთხვევებში:

ა) საგადასახადო რეჟიმის შეცვლა;

ბ) ინფლაციის მაღალი დონე;

გ) საქონლის საბაზრო ღირებულების არსებითი ცვლილება.

ეს მუხლი მოქმედებს იმ შემთხვევაში, თუ ფასის ცვლილება აჭარბებს 5%-ს და არ აღემატება 10%-ს.

11.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

## 12. ფორს-მაჟორი

12.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარო საწვწების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

## 13. დავები და მათი გადაწყვეტის წესი

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

## 14. სხვა პირობები

15.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2 არც ერთ მხარეს არა აქვს უფლება გადასცეს მესამე პირს თავისი უფლებები და

მოვალეობები, მეორე მხარის წერილობითი თანხმობის გარეშე.

15.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

## 16. მხარეთა იურიდიული მისამართები და რეკვიზიტები

### შემსყიდველი:

სსიპ „სახელმწიფო სერვისების  
განვითარების სააგენტო“  
ქ.თბილისი, სანაპიროს ქ.#2  
სახელმწიფო ხაზინა  
ა/ა GE24NB0330100200165022  
ს/კ 202307404

სააგენტოს ადმინისტრაციის  
(დეპარტამენტი) დირექტორის  
მოვალეობის შემსრულებელი

---

თამარ ჩუბინიძე

### მიმწოდებელი:

შ.პ.ს „ჯეობიტი“  
მის:ქ.რუსთავი, მეგობრობის გამზ. 10გ  
ბანკის კოდი : TBCBGE22  
ა/ა GE47TB0270036020100002  
ს/კ 216406486

შპს „ჯეობიტი“-ს  
დირექტორი

---

ზაზა მაღლაკელიძე

დანართი#1  
ფასების ცხრილი

| პრინტერის/კომბაინის/ასლგადამღების/<br>კარტრიჯის ტიპი                            | დამუხტვების<br>რაოდენობა | ერთეულის<br>ფასი (ლარი)<br>დღგს-<br>ჩათვლით | საერთო<br>ფასი (ლარი)<br>დღგ-ს<br>ჩათვლით |
|---------------------------------------------------------------------------------|--------------------------|---------------------------------------------|-------------------------------------------|
| Hp laserjet 1536 dnf-ის კარტრიჯი (შავთეთრი)                                     | 300                      | 4.95                                        | 1485                                      |
| პრინტერი HP LaserJet Ultra MFP M134fn-ის ბარაბანი(დრამი)                        | 150                      | 0.05                                        | 7.5                                       |
| პრინტერი Samsung Xpress SL – M2870FD Laser Muntifunction<br>Printer-ის კარტრიჯი | 600                      | 7.26                                        | 4356                                      |
| ჯამი                                                                            |                          |                                             | 5848.5                                    |

კომპანიის დასახელება: შპს ჯეობიტი

დირექტორი/უფლებამოსილი პირი: ზაზა მაღლაკელიძე

დირექტორის/უფლებამოსილი პირის ხელმოწერა და ბეჭედი -----

## ტექნიკური დავალება

სსიპ "სახელმწიფო სერვისების განვითარების სააგენტოს" მიერ გამოცხადებული ელექტრონული ტენდერის შესყიდვის ობიექტს წარმოადგენს კომპიუტერის პერიფერიული მოწყობილობების ტექნიკური მომსახურება (კომპიუტერის პრინტერის კარტრიჯების გასაწევი დამუხტვის მომსახურების ჩამონათვალი მოცემულია ცხრილში):

| პრინტერის/კომბაინის/ასლგადამღების/კარტრიჯის ტიპი                             | დამუხტვების რაოდენობა | მიწოდების ვადა                                                  | მიწოდების ადგილი (გატანისა და შემოტანის ადგილი)                                                                 |
|------------------------------------------------------------------------------|-----------------------|-----------------------------------------------------------------|-----------------------------------------------------------------------------------------------------------------|
| Hp laserjet 1536 dnf-ის კარტრიჯი (შავთეთრი)                                  | 300                   | მოთხოვნის შესაბამისად, მოთხოვნიდან არაუგვიანეს ოთხი სამუშაო დღე | სსიპ სახელმწიფო სერვისების განვითარების სააგენტოს ცენტრალური ოფისის საწყობი, ქ.თბილისი, აკ.წერეთლის გამზ. #67ა. |
| პრინტერი HP LaserJet Ultra MFP M134fn-ის ბარაბანი(დრამი)                     | 150                   |                                                                 |                                                                                                                 |
| პრინტერი Samsung Xpress SL – M2870FD Laser Muntifunction Printer-ის კარტრიჯი | 600                   |                                                                 |                                                                                                                 |

### შენიშვნა:

**1.** კარტრიჯის დამუხტვის/აღდგენის ფასის წარმოდგენისას პრეტენდენტებმა უნდა გაითვალისწინონ, რომ აღნიშნული ფასი უნდა მოიცავდეს როგორც დაცლილი კარტრიჯის ფხვნილით შევსებას ასევე მომსახურების გაწევასთან დაკავშირებულ გადაზიდვას და საჭიროების შემთხვევაში დაზიანებული დეტალების (გამწმენდი და დოზირების დანების, ფოტომგმნობიარე ლილვის (დრამის), დამუხტავი თუ მაგნიტური ლილვების, და სხვა) შეცვლას. ყველა კარტრიჯს დატენვისას უნდა გამოეცვალოს ჩიპი ასეთის ქონის შემთხვევაში.

**2.** მოწოდებული კარტრიჯები შეფუთული უნდა იყოს ტრანსპორტირებისთვის უსაფრთხო შეფუთვაში რომელიც უზრუნველყოფს ტრანსპორტირებისას ფხვნილის კარტრიჯიდან გადმოყრის და კარტრიჯის დაზიანების თავიდან აცილებას, ასევე უნდა იყოს გასუფთავებული და არ იწვევდეს მომხმარებლის დასვრას ნარჩენი ტონერით.

**3.** ყველა აღდგენილ კარტრიჯს უნდა მოყვებოდეს აღდგენის შემდგომ კარტრიჯის ტესტირების ფურცელი.

**4.** აღდგენილი კარტრიჯებზე კარტრიჯის სრულ დაცლამდე უნდა ვრცელდებოდეს პრეტენდენტის გარანტია, რომ ბეჭდვის ხარისხი და ნაბეჭდი ფურცლების რაოდენობრივი მახასიათებლები სრულ შესაბამისობაში იქნება ორიგინალი კარტრიჯის მწარმოებლის მონაცემებთან, წინააღმდეგ შემთხვევაში „მიმწოდებელი“ საკუთარი ხარჯებით განახორციელებს საჭირო დეტალების გამოცვლას ან დაზიანებულ კარტრიჯის შეცვლას ახლით.

**5.** აღდგენილი კარტრიჯების ნაბეჭდი ფურცლების რაოდენობა უნდა იყოს არანაკლები, ვიდრე ორიგინალი კარტრიჯების ბეჭდვის რესურსი.

6. მომსახურების გასაწევად, პრეტენდენტი უნდა ფლობდეს სპეციალურ მოწყობილობებს, რომლებიც უზრუნველყოფს, როგორც კარტრიჯების გაწმენდას სათანადო დონეზე, ასევე აღდგენილი კარტრიჯების საბოლოო ტესტირებას. ასევე ჰყავდეს ტექნიკური მომსახურების გაწევისათვის სათანადო გამოცდილების და კვალიფიკაციის მქონე სპეციალისტი/ები;